

Sra. Maritza Arends di Archivo Nacional Aruba

## E catibonan cu a bin Aruba probablemente tabata mescla caba

**ORANJESTAD - Registro di Esclavo: Liberacion, Nacimiento y Fayecimien- to Aruba 1840-1863 ta un buki cu sra. Maritza Arends a traha riba dje bou sosten y ayudo di Archivo Nacional Aruba (ANA) relaciona cu 150 aña di abolicion di sclavitud cu a wordo conmemora aña pasa.**

Aunke e buki aki ta practica- mente cla, e lo wordo publica mas tarda entrante otro aña, asina Shakira Croes di ANA a declara na Bon Dia Aruba.



### Registro valioso den bari di sushi

E buki aki nan tabata uza caba den su forma original y ANA a kopie pa exhibi den sala. Hopi bialha e hendenan cu tabata bishita ANA no ta- bata haya e fam di nan hen- denan of un hende di nan famia. Pero despues cu nan ta mira e registro cu ta apa- rece den e buki cu pronto lo sali riba mercado y nan ta keda hopi sorprendi cu nan tabatin famia catibo

E buki ta compila algun reg- istranon importante di e ulti- mo famnan cu a wordo duna na esclavonan libera 1 di juli di 1863, pues e ta contene e ultimo registro di esclavonan na Aruba. Nan ta tres regis- tro nan ta: esunnan cu a wor- do libera y cu pa prome bialha a haya un fam. Tin registro di e ultimo 24 aña di nacemen- to di catibonan Arubiano y tambe e registro di e ultimo 24 aña di esclavonan cu a fayece riba nos isla.

Sra. Maritza Arends a relata na Bon Dia Aruba cu e buki aki su mes tin un historia, ya cu e registranon di e buki a wordo haya pa un trahado den un bari di sushi patras di oficina di gobernacion. "Bon mira el a wordo benta afo pero e meneer a haye y el a wak su importancia y el a trece", el a bisa.

Na prome instancia ANA a kere cu e tabata un material unico pero talbes e tabata un



copia di loke ta wordo com- pila na Aruba pa wordo man- da pa Corsou. Pues Corsou tin un mescos y e registro- nan di e buki ta data di 1840 aunke presencia di catibo na Aruba tabata prome cu e aña aki.

### Investigacion

Maritza Arends kende ta un investigado riba e topico aki a declara cu actualmente nan ta investigando ya cu nan tin registro prome cu epoca col- onial. Nan intencion ta pa pronto nan ta bay tin un base di dato basa riba e contenido di e buki menciona, pero complementa cu informa- cion di prome cu 1840.

Sra. Arends actualmente ta buscando tanto den corant- nan bieu e anuncio di liber- acion di e esclavonan. Te aworaki pa loke el a yega di descubri den corantnan bieu for di inicio di sclavitud semper tin registro di libera- cion manera tempo Griego y Romano; y esaki no tabata un excepcion pa e Hulan- des tambe cu a registra e es- clavonan cu a haya nan man- umicio tambe. Manumicio tabata e carta di liberacion.

Den su trabou hemerografi- co el a haya den un ehemp- lar di Amigoe di 1970 un informacion relaciona cu un persona cu tambe a haci investigacion, unda e ta de- staca cu hopi bialha e hende muhe catibo tabata esun cu tabata wordo libera. E lib- eracion aki tabata pa motibo di un relacion cu un shon, y tambe muchanan tabata wordo libera na un edad hopi jong. Sra. Arends ta kere cu na Aruba e cercania entre e shon y e esclavo tabata hopi mas, pasobra e catibonan no tabata den cunucu sino mas

tanto den cas mas hopi of cerca di cas.

### Presencia di catibo na Aruba

E ta admiti cu e buki aki ta un aportacion importante pero tin hopi cos pa investiga ainda na Aruba. E presencia di catibonan na Aruba ta- ba relativamente corto. Ora cu nos a cuminsa haya cati- bonan na Aruba, ya caba nan tabatin presencia den Caribe pa basta tempo.

E ta sigur cu e catibonan cu tabata yega na Aruba, no ta- bata yega directamente for di Africa mas. Tampoco Aruba no tabatin un Puerto di cati- bo manera pa ehemplo Cor- sou. E catibonan cu a yega Aruba ya tabata catibonan cu a mescla probablemente cu otro rasa cu no tabata esun Africano.

Sra. Maritza Arends a de- staca e trabou cu Dr. Oswald Wever a realiza riba e genea- logia di e rasa Arubiano. Pero e ta haya tambe importante pa bin cu un estudio manera Dr. Wever a haci, pero di- recto riba esclavo pa purba di descubri cu esunnan cu a wordo libera si berdad nan no tabata mescla caba.

Loke nan a haya den e reg- istro aki ta cu por ta e catibo cu a ser libera a casa 10 aña despues cu tal hende, y hopi bialha tabata cu shonnan nan tabata casa. Di e forma aki e ta resalta cu nos ta haya Maduro y Croes cu a casa cu catibo libera y nan ta- ba ta reconoce nan yiunan cu eventualmente tabata nan yiu caba. E ta bisa cu tin caminda cu nan a descubri cu nan a registra pa ehemplo e ultimo tres yiunan pero e prome dos no, pasobra por ta no tabata di e shonnan. □